



FOLKETINGETS
OMBUDSMAND



Ombudsmandimut naammagittaalliorneq

Pisortat oqartussaaitaannit akissutigineqartoq imaluunniit suliarineqarnera naammaginngikkukku, Folketingip Ombudsmandianut naammagittaaliuteqarsinnaavutit. Aamma piffissaq suliap suliarineqarneranut atorneqartoq pillugu naammagittaalliorsinnaavutit.

Kinaluunniit naammagittaalliteqarsinnaavoq, akeqanngilaq.

Ombudsmandimut naammagittaalliutit nalinginnaasumik al-lakkatigut pisarput. Naammagittaalliortup atia najugaqarfialu takuneqarsinnaassapput. Pisortat oqar tussaatitaannit allak-kat tiguneqartut taakkunungalu nassiunneqartut suliamut attuumassuteqartut naammagittaalliummut ilan-ngunneqassapput.

Ombudsmandip nittartagaatigut naammagittaalliornermi immersugassap atorneratigut makkunatigut ikiorneqassaait

- naammagittaalliutip ilanngussallu isumannaatsumik nassi-unneqassapput
- ombudsmandip paasissutissat pisariaqartitai tamakkiisut tunniunneqassapput.

Naammagittaalliornermi immersugassaq uani nas-saareneqarsinnaavoq ombudsmanden.dk/klageskema

Naammagittaalliornermi malittarisassat allat

Ombudsmandimut naammagittaalliuteqannginninni, pisortat oqartussaatitaat naammagittaalliutigisat akissuteqarsimas-saaq.

Pisortat oqartussaatitaasa akissutaat pillugu ombudsmandi-mut naammagittaalliuteqannginninni naammagittaallior-figineqarsinnaasumik periarfissaqarpat – assersuutigalugu Ankestyrelsemut – tassunga naammagittaallioqqaassaait.

Pisortat oqartussaatitaasa aalajangiineranniit, kingusinner-paamik ukioq ataaseq qaangiutsinnagu, naammagittaalliutit ombudsmandimit tiguneqareersimassaaq.

Eqqartuussutit, imaluunniit eqqartuussisoqarfiit pillugit om-budsmandimut naammagittaalliorsinnaanngilatit.


Aamma inatsisit imarisaat folketingimit akuersissutigineqarsi-masut pillugit naammagittaalliorsinnaanngilatit.

Nalinginnaasumik suliffeqarfiit namminersortut aamma inuit ataasiakkaat pillugit naammagittaalliorsinnaanngilatit. Taamaattorli ilaatigut ilaqutariittut paarsisartut aamma meeqqeriviit namminersortut pillugit naammagittaalliorsin-naavutit.

Naammagittaalliut mail-inngorlugu nassiussaq

Borger.dk aqqutigalugu illit allakkeriviit atorlugu naammagit-taalliutit mail-inngorlugu isumannaatsumik nassiussinnaavat.


Mail-i “isumannaatsuunngitsoq” atorlugu naammagittaallium-mik nassitsiguit, ombudsmandi akissuteqassaaq qarasaasiak-kut allakkeriviit atorlugu, imaluunniit allakkanik tigussaasunik nassitsissaaq.



Inuk alla sinnerlugu naammagittaaliorneq

Inuk alla sinnerlugu naammagittaaliuteqaruit, naammagittaaliuummut ilanngullugu nassiunneqassaaq piginnaatitsissut.

Ombudsmandip nittartagaatigut piginnaatitsinermut immer-sugassaq aaneqarsinnaavoq.



ombudsmanden.dk/fuldmagt

Ombudsmandimi suliassat

Ombudsmandip nammineerluni aalajangigassarivaa naammagittaalliut misissuiffigerusunnerlugu. Takusinnaaguniuk naammagittaalliortoq ajunnginnerusumik inerniliilluni ikior-sinnaanagu, nalinginnaasumik naatsumik akissuteqassaaq suliarlu matullugu.

Ombudsmandi isumaqaruni pisortat oqartussaataannit kukkusoqarsimasooq, pisortat oqartussaataat isornartorsiorsinnaavaa suliallu qaqeqqinneqarnissaanik noqqaaffigalugu.

Imaanngilaq naammagittaalliutit tamarluinnarmik ombudsmandimik pissutissaqartitsilertartut suliap misissuiffigineqarnissaanut – kisiannili saaffiginnissutit tamarmik isummerfigineqartarput.

Ombudsmandi kinaanna

Folketingip Ombudsmandia inatsisilerituujuvoq Folketingimiillu toqqagaalluni. Suliassarivaa pisortat oqartussaataannit inatsisit malinneqarnissaat, innuttaasullu ajunngitsumik eqqortumillu pineqarnissaat nakkutigisallugit.

Ombudsmandi naammagittaalliutinik misissuisinnaavoq, naammagittaalliortoqanngikkaluartorlu sulianik nammineerluni misissuisinnaalluni.

Pisortat oqartussaataaasa aalajangiineri pillugit aamma suliamik suliarinninnerat pillugu oqaaseqaateqarsinnaavoq. Pisortat oqartussaataannik isornartorsiuksinnaavoq, kukkusimappata, assersuutigalugulu suliaq aalajangersimasooq pillugu nutaamik aalajangeeqqusinermik imaluunniit allanngortitsinissamik inassuteqarsinnaavoq.

Ombudsmandip pisortat oqartussaataata qanoq ilionissaa aalajangersinnaanngilaa. Periusiuvoqli ombudsmandimit inassutigineqartup malinneqartuaannarera.

Ombudsmandip sulinera pillugu sinaakkutit ombudsmandeqarneq pillugu inatsimmi allasimapput.

Folketingets Ombudsmand
Gammeltorv 22
DK 1457 København K
Tlf. +45 33 13 25 12
www.ombudsmanden.dk
post@ombudsmanden.dk

Borger.dk aqqutigalugu qarasaasiakkut allakkeriviit atorlugu ombudsmandimut allagaqarsinnaavutit.

Oqarasuaatikkut piffissaq oqaloqatiginniffiusinnaasoq pillugu paasissutissat aamma nammineerluni takkunnikkut saaffiginnissinnaaneq pillugu uani nassarineqarsinnaavoq ombudsmanden.dk/kontakt.

Ombudsmandip nittartagaatigut aamma nassarisinnaavatit paasissutissat allat, ombudsmandip qanoq sulisarnera, qanorlu ikiorsinnaaneraatit.



**FOLKETINGETS
OMBUDSMAND**